

Eskubaloia

Sopalovicek osatu nahi duen blokea erakutsi zuen Bidasoak Valladoliden

■ Irungoek denboraldiko lehen garaipena lortu zuten: 27-29

Erredakzioa / Donostia

HAMABOST eguneko atsedena ondo etorri zaio Bidasoari. Irungo taldeak ez zuen paper ona egin Asobal Ligako lehenengo hiru jardunaldietan, baina asteazkenean denboraldiko lehen garaipena lortu zuen Bidasoak: 27-29 irabazi zion Valladolidi Gaztela-Leongo taldearen kantxan. Lehen hiru jardunaldiak partidurik irabazi gabe pasatu ondoren, garaipen hau behar-beharrezkoa zuen Irungo taldeak. Are gehiago, Asobal Ligan datozen hurrengo bi partiduen zailtasuna ikusita: Barcelona Iruen eta Caja Cantabria Santanderren. Bidasoako jokalariek konfiantza hartzeko oso baliagarria izango da garaipen hau.

Bidasoak egoera zail bati aurre egin zion Valladoliden, eta garaipena lortu zuen. Arbitroek bederatzia aldez bota zituzten kalera Bidasoako jokalariek, lehen zatiko une batean hiru jokalarik gutxiagorekin jokatzen aritu zen Irungo taldea.

Horri guztiari aurre egiteko orduan, Storgaard eta Kovacevic izan ziren erasoan taldearen erantzunkizuna hartu zutenak, eta seina gol sartu zituzten. Defentsan, berriz, funtsezkoak izan ziren bi atezainak: Barreto eta Aginagalde. Aginagalde ordezko atezaina penaltia geratzera ateratu zen; zortzi bota zizkioten, eta bost geratu zituen. X

Txirrindularitzari buruzko sinposiuma gaur hasiko da

Txirrindularitzaren hainbat arlo landuko dituzte Donostian

Donostian datorren astean egingo den Munduko Txirrindularitza Txapelketaren barruan txirrindularitzari buruzko sinposiuma antolatuta da. Gaurtik igandera bitartean egingo da sinposium hori. Txirrindularitzaren arlo desberdinetan mundu mailan ezagunak diren aditu ugari parte hartuko dute jardunaldi hauetan.

Erredakzioa / Donostia

DONOSTIAN antolatuta den sinposium hau txirrindularitzaren inguruan dabilen guztiei zuzenduta dago, entrenatzaile, kirol zuzendari, mediku eta abarrei. Landuko diren gaiak lau arlo generikotan sartu dituzte: entrenamendua, teknologia, medikuntza eta txirrindularitzaren etorkizuna.

Gaur entrenamenduari buruz hitz egingo dute Peter Keen, Aldo Sassi, Manolo Saiz, Wolfram Lindner, Jose Luis Algarra eta Sabino Padilla. Bihar goizean (09:00etan) teknologia landuko dute. Cees Beers, SRM sistema teknologikoko ingeniaria; Mike Burrows, aerodinamikan aditua, Craig Turner, abangoardiako teknologia alternatiboa landu duena eta Jean Wauthier, UCIko ingeniariak parte hartuko dute. Bihar arratsaldean, medikuntzaz hitz egingo dute Pascal Rivat, Fernando Astorki, Eduardo Escobár, Michele Ferrari, Eufemiano Fuentes medikuek.

Jardunaldiok Euskal Herriko Unibertsitateko arkitektura eskolako paraninfoan egingo dira.



Manolo Saiz, ONCEko zuzendaria izango da gaur sinposiumean parte hartuko dutenetakoa bat.

ANDER GILLENDA

Gaurko egitaraua

Entrenamenduari buruzkoak izango dira gaurko hitzaldiak, 15:30etan hasiko dira eta 21:00etan bukatu. Tartean, 18:30etatik 19:15etara, sinposiumaren irekiera ekitaldia egingo da. Hauek dira gaurko sei hizlariak:

- ✱ **Peter Keen:** Chris Boardmanen entrenatzailea da bera; orduko errekorri buruz hitz egingo du.
- ✱ **Aldo Sassi:** Mapei kirol zentroaren zuzendaria da; txirrindulari ona izateko aukerak ikusten zaizkion gazte bat hartzen denetik gazte hori goi mailara heldu arte eraman behar den kontrolaz hitz egingo du.
- ✱ **Manolo Saiz:** ONCE taldeko zuzendaria da; profesional mailan entrenatzaileak daukan paperaz arituko da bera. Talde profesional batek entrenatzaile bat izan behar duen edo txirrindulari bakoitzak berea izan behar duen aztertuko du, besteak beste.
- ✱ **Wolfram Lindner:** Suitzako Federazioko zuzendari teknikoa bera; jubenil eta Sub'23 mailako txirrindulariekin nazioarteko lasterketei begira egin beharreko prestaketaz mintzatuko da.
- ✱ **Jose Luis Algarra:** Portugaleko federazioko zuzendari teknikoa; bere gaia, bakarkako teknika eta bere entrenamendua izango da.
- ✱ **Sabino Padilla:** Athleticeko medikua da eta Miguel Indurainen prestatzailea izan da; nazioarteko txirrindularitzan entrenamenduen eta lasterketa egunen arteko alternantzia jardungo du. X

Arreiturandiak ONCErekin proba egingo du gaur Narancoko lgoera

■ Gaizka Lejarreta eta ONCErako bidean


Erredakzioa / Donostia

PELLO ARREITUNANDIA ONCE taldearekin korritu du gaur Asturiasen Narancoko lgoeran. Mutrikuko txirrindulariak proba bat egingo du gaur. Manolo Saizek zuzentzen duen taldearekin. Arreiturandiak 23 urte dauzka, Kataluneko txirrindularia da eta aurtengo denboraldian afizienaturik onenetakoa izan da. Garaipen garrantzitsuak lortu ditu, Oizartungo Xanistebela Klasikoa, Gipuzkoako Txapelketa eta Nafarroako Itzuliko etapa bat, besteak beste.

ONCErako bidea hau duen beste txirrindulari bat da Gaizka Lejarreta da. Lejarretak Banesto taldean korritu du denboraldi honetan, ez ibili punta-puntan baina bikalitateaz ez du ahaztu Manolo Saiz. Datorren denboraldian Iberdrola taldean korritzen hasiko da Lejarreta, denboraldiaren erdi aldipasa daiteke ONCEra. Baita, tok, bien bitartean, adieraz du Latasa nafarrak profesional mailan korrituko duen datorren denboraldian.

Bitartean, Munduko Txapelketako Sub'23 mailako lojupekorako Espainiako hautatzaileak egin duen aukeraketak polemika sortu da. Batez ere, Josemi Elizburu aukeratu ez izanak. Elizburu Sub'23 mailan oso emaitza onak lortu ditu urtean zehar baina Jesus Rodriguez Magallon hautatzaileak ez zuen aurkeztutako selekzioan sartu eta orain ezinezkoa da Elizburuk Donostiako Mundialean parte hartzea. X

EUSKAL MUSIKA BILDUMA



Gipuzkoan eta Araban

**Bihar larunbata
550 pta./22 lib. +**

Egunkaria



Bizkalan, Nafarroan eta Iparraldean